

PAAS

Setànte... al mé fà béen pensà a la fiin,
figüràm la mì cörse, ól mè traguàrt:
ól sóol, ól céel bèl ciàar d'üne matiin
de prümavére... Òo da fà la mì part

nó gh'è da dì: ruà sü in-t-ól confiin
bèl nèt, desliberàa da tüt ól scart
ch'òo tràa scià in-tè la vite e piàan pianiin
slingerim d'ògne pèes, d'ògne reguàrt;

e sci 'l mè cöör al volarà lingéer,
deśinquajàa dai lasc, in-t-ól seréen
e 'l mè penséer l'andarà piú a patràas,

nól sarà piú ligàa dal tant cadéen,
che a la fin fiin avrò trovàa 'l sentéer:
lasü süinscìm incontrarò la Paas.

Antonio Bellati - Premana, 1941 - 2013